

## Мусулмон одам азоннинг овозидан баҳра олади | Ҳадис дарслари (305-дарс)

**Ҳадис**  
ДАРСЛАРИ

**305-ДАРС**

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 30 октябрь 129

رَأَيْتُ لَيْلًا يَنْبُؤُنِي بِمِثْقَلِ ذَرَّةٍ  
لَوْ طَأْتُ نَمِيَّتِي بِبَنَانِكَ تَلَأَقَ  
بَنَانِكَ وَدَجَسَمُ لَوْلُوحِي تِيْبُ  
رَجَفُ لَاهِي لَعُنَّ ذَوِي لَالِبِ  
دُوَادُ وَبَأْهَ أَوْرِ

Бани нажжорлик бир аёл розияллоҳу анҳодан ривоят қилинади:

«Менинг уйим масжид атрофидаги энг баланд уй эди. Билал Бомдоднинг азонини унинг устига чиқиб айтар эди».

Абу Довуд ривоят қилган.

Шарҳ: Бундан азонни иложи борича узоққа етказиш учун ҳаракат қилиш лозимлиги билинади. Шунинг учун ҳам мусулмонлар доимо ушбу мақсадда керакли чоралар кўриб келишган. Мусулмон оламидаги сон-саноксиз баланд миноралар, мезаналар шу мақсадда барпо этилган. Ҳозирги замонавий қулайликлардан ҳам унумли фойдаланишмоқда. Мусулмон одам азоннинг овозидан баҳра олади, у қанча баланд бўлса, узоққа етса, шунча хурсанд бўлади.

تِيَّارٌ لِّاِقَ ؕ فَيَحُجُّ يَبَّأُ نَع  
عُبَّتَيَّو رُوْدَيَّو نُّذُوِّي آلَّاب  
يْفُ هَاعُبُّصُّأُو انُّهَهَو انُّهَهُ هَاف  
يْفُ رَ هَلَّالُّ لُّوَسَّرَو هَيَّ نُّذُأُ  
جَرَخَفٌ مِّمَدَّأُ نَمَّ ؕ اَرْمَحُ هَلِّ ؕ بُّق  
ةَزَنَعُ لِّابِ هَيَّ دَيَّ نِّيَّ بُّ لِّاب  
ءَاخَطُّبُّ لِّا يْفُ اَهَزَكَرَفُ  
رَ هَلَّالُّ لُّوَسَّرَ اَهَيَّ لِّا يَّ لِّصَفُ  
بُّ لِّكُّ لِّا هَيَّ دَيَّ نِّيَّ بُّ رُمِّي  
ءَاَرْمَحُ ؕ هَلِّحُ هَيَّ لِّعَوُ رَامُّحُّ لِّاَوُ

قَيَّرَبِ يَلِإِ رُظْنًا يِّنَاكَ  
أَمَلَفِ :ةَيَاوْرِي فَوِ .هَيَقَاسِ  
يَحِ ،ةَالِّصَلَا يَلَعِ يَّحِ «عَلَبِ  
هَقُنُّعِ يَوَلِ «حَالْفُلَا يَلَعِ  
رَدَّتْ سَيِّمَلَوِ أَلَامِشَوِ أَنِي مَيِّ  
هُظْفَلَوِ ةَسْمَخَلَا هَاوْرِ  
يِّ ذِمَّرْتَلَلِ

Абу Жухайфа розияллоху анхудан ривоят қилинади:

«Билолнинг айланиб юриб, азон айтаётганини кўрдим. У оғзини у ёққа, бу ёққа бурар, икки бармоғи қулоғида эди. Расулуллоҳ соллаллоху алайҳи васаллам бўлсалар ошланган теридан қилинган қизил қапада эдилар. Бас, Билол у зотнинг олдиларига аназани (асони) кўтариб чиқиб, яланглик жойга санчди. Расулуллоҳ соллаллоху алайҳи васаллам унга қараб намоз ўқидилар. Олдиларидан ит, эшак ўтиб турар эди. У зотнинг устларида қизил кийим бор эди. Мен у зотнинг оппоқ болдирларини кўриб турар эдим».

Бошқа бир ривоятда:

«Ҳайя ъалас-солаҳ, ҳайя ъалал-фалаҳ»га етганида бўйнини ўнгга, чапга бурди, айланмади», дейилган.

Бешовларидан ривоят қилинган. Лафз Термизийники.

Ровийнинг «**Билолнинг айланиб юриб**» дегани «бир жойдан иккинчи жойга кўчиб» деган маънодадир. Чунки азон қиблага қараб айтилади, орқага айланиб бўлмайди.

Ушбу ҳадисдан олинадиган фойдалар:

1. Азонни кўпчилик эшитиши учун бир жойдан иккинчи жойга ўтиб юриб, айтиш мумкинлиги.
2. Шу мақсадда муаззин оғзини у ёққа, бу ёққа буриши мумкинлиги.
3. Муаззин овози яхши чиқиши учун бармоғини қулоғига тиқиб олса яхши бўлиши.
4. Ошланган теридан қилинган қапада ўтириш мумкинлиги.
5. Ҳазрати Билол розияллоҳу анҳунинг фазллари.
6. Яланглик жойда намоз ўқиганда имомнинг қаршисига асо ёки шунга ўхшаш нарсани тўсиқ қилиб қўйиш кераклиги.
7. Олдида тўсиқ бор намозхоннинг қаршисидан ўтган нарса унинг намозини бузмаслиги.
8. Қизил ранг кийим кийиш мумкинлиги.
9. Намозда болдирлар очиқ бўлиши мумкинлиги.
10. Муаззин «Ҳайя ғалас-салоҳ»га етганида бўйнини ўнг томонга, «Ҳайя ғалал-фалаҳ»га етганида чап томонга буриши.
11. Муаззин азон пайтида танасини айлантормаслиги.

***«Ҳадис ва ҳаёт» китобининг 4-жузи асосида тайёрланди.***